



Inatsisartunut ilaasortaq Aleqa Hammond, Siumut
Inatsisatut
/MAANI

Royal Greenlandip tunitsivia Qaarsuniittoq pillugu § 37-mut apeqqut nr. 2012-101-mut akissuteqarneq

03. maj 2012
Sagsnr. 2012-065200
Dok. Nr. 896042

Inatsisartut suleriaasiani § 37 naapertorlugu Qaarsuni Royal Greenlandip tunitsivia pillugu apeqquteqaateqarsimavutit. Apeqqutit uannit akineqarnissaat innersuussutigineqarsimavoq.

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.nanoq.gl

Naalakkersuisunut apeqqut siullesq

Royal Greenland A/S-p Qaarsuni tunitsivia tunisinissamut qanga kingullermik ammava?

Apeqqummut siullermut akissut

Royal Greenlandip Qaarsuni tunitsivia maannangaaq ammavoq, nipisaallu suaanik tunitsiviginissaa piffimmi silap pissusai periarfissiippata, aallartissaaq. Naalakkersuisut Siulittaasuanniit tusagassiutitigut nalunaarummi Royal Greenlandimiillu 20. april 2012-meersumit allakkami soorlu takuneqarsinnaasoq, ukioq kingulleq nipisaat suaannik tunitisinnaaneq tunisassiorfik ammagaluartoq piviusunngortinneqarsinnaasimangilaq atortussat pisariaqartitat piffissaq eqqorlugu takkussimanginneri pissutigalugu. Aasap ingerlanerani taamatut pisoqarnissaanut tunisassiorfik piareersarneqarsimavoq, tamannalu pissutigalugu siornamiit tunitsivik tamakkiisumik atoruneqarsinnaalersimavoq. Tusagassiutinut nalunaarut aamma allagaq uunga akissummut ilanngunneqarput.

Naalakkersuisunut apeqqutip aappaa

Ukiut kingulliit tallimat nipisaat suaat qanoq annertutigisut tuniniaavimmut tunineqarsimappat?

Apeqqutip aappaanut akissut

KANUAANA-p namminneq kisitsisaatitik naapertorlugit ilisimatippaanga ukiuni kingullerni tallimani Qaarsuni tunitsivimmut aalisakkanik suannillu tunisisoqarsimangitsaq.

Naalakkersuisunut apeqqutip pingajua

Royal Greenland A/S-p Qaarsuni tunitsivia ukiuni kingullerni tallimani qanoq sivistutisumik ammasimava?

Apeqqutip pingajuannut akissut

Ilisimatitsissutigineqassaaq tunitsivik 2005-p tungaanut ingerlatseqatigiiffimmit namminersortumit Sisimiut Seafood-imiit pigineqarsimammat, taassumalu piginneqatigiiffimmut Nuussuaq Fish-imut tunisimavaa, taannalu inuit namminersorlutik piginnittut Royal Greenland peqatigalugu pigisaraat.

Royal Greenland-ip aallaqqaammut Nuussuaq Fish-ip 25 %-ia pigisimavaa, namminersorlutillu ingerlatsisutut piginnittut aningaasaliissutaat kingusinnerusukkut pisiaralugit pigilersimallugit, isumaqatigiissutillu nalinginnaat tunngavigalugit taamaaliortoqarsimasoq. 15. september 2009 Qaarsuni tunitsivik Royal Greenlandimut tunniunneqarsimavoq, taamanerniillu taassuminnga piginnittuusimalluni, tassa maannamut ukiut marluk affarlu missaanni.

Piginnilernermet atatillugu sumiiffimmi periarfissat aamma tunisassiorfiup ingerlanneqarsinnaanissaa nalilerneqarput, siunissami suliassanut pilersaarusiornissaq siunertaralugu. Tassunga atatillugu malugeqquneqarpoq, tunitsivik qerititsiveqangimmat.

Erseqqissaatigineqassaaq Royal Greenlandip piginnittuunerata nalaani Qaarsuni tunitsivimmik matusinissamik aalajangiisoqarsimangimmat.

Inussiarnersumik inuulluaqqusillunga

Ane Hansen